

Канон святому великомученику Пантелеимону

Память празднуем 27 июля (9 августа)

Тропарь, гл. 3

Страстотерпче святы́й и целёбниче Пантелеймо́не, моли́ ми́лостиваго Бога, да прегрешéний оставлéние пода́ст душáм нашím.

КАНОН, глас 2-й

Песнь 1

Ирмос: Во глубинé постлá иногда́ фараонíтское всево́инство преоружéнная сíла; вопло́щенное же Сло́во всезло́бный грех потребíло есть: препрослáвленный Господь, сла́вно бо прослáвился.

Припев: Святы́й великомучéниче и целёбниче Пантелеймо́не, моли́ Бóга о нас.

Пóдвигом, мучéниче, дóбрым подвизáвся, и врач изрýден быв, исцели́ болéзни моя́, и обдержáщий огонь орошéнием твоим отжени́, здравие ми совершéнное подавая́.

Святы́й великомучéниче и целёбниче Пантелеймо́не, моли́ Бóга о нас.

Болéзней избáви мя лю́тых, о Пантелеймо́не, и належáщую ми нéмощь вскóре от мене́ отжени́, и конéчное исцелéние ми дáруй, я́ко да заступника вели́каго véрою ублажáю тя.

Слава: Целíтелю душáм и телесém, исцели́ стра́сти моя́ лю́тыя, телесныя же и душе́вныя, притéкшаго, о Пантелеймо́не, под кров твой спасíтельный, мучéниче Спáсов, я́ко да хвалáми ублажáю тя.

И ныне, Богородичен: Милосéрда сýщи, Чíстая, я́ко благоутрóбное Сло́во Бóжие родívшая, исцели́ недýг раба́ Своего́, и скóрую дáруй цельбú и здравие, véрою прося́щему Твоея́ ми́лости.

Песнь 3

Ирмос: Процвела́ есть пустыня, я́ко крин, Гóсподи, язы́ческая

неплодящая цѣрковь, пришѣствием Твоимъ, в нейже утвердися мое сердце.

Святѣй великомучениче и целѣбниче Пантелеимоне, моли Бога о нас.

Разрушивъ многокѣзненное мучительство, страсотѣрпче, живѣт дающими о Христѣ подвигами, умерщвляющия страсти отжени от недугующаго зело, молитвою твоєю.

Святѣй великомучениче и целѣбниче Пантелеимоне, моли Бога о нас.

Согнившей злыми помыслами и дел язвами душе моей, славне, посещением твоимъ даждь исцеление, и не остави мене погибнути окаяннаго, молю тя.

Слава: Безбожия пещь угасил еси течением кровей твоихъ, страсотѣрпче: темже ти молюся, огня болѣзни мя свободи.

И ныне: Низрину мя множество прегрешений, Чистая, в пучину недуговъ, но Самая, Чистая, окорми мя к тишинѣ здравия, Богородице.

Песнь 4

Ирмос: Пришел еси от Девы, не ходатай, ни Ангел, но Сам, Господи, воплощся, и спас еси всего мя человека. Тем зову Ти: слава силе Твоей, Господи.

Святѣй великомучениче и целѣбниче Пантелеимоне, моли Бога о нас.

Уврачуи неисцельно болящаго мя, безмездный врачу, от Бога дарование исцелений приемыи, и не посрами мене, от моего упования с верою молящагося ти.

Святѣй великомучениче и целѣбниче Пантелеимоне, моли Бога о нас.

Умерщвляющия мя болѣзни, Пантелеимоне, лечбами твоими исцели, и ко здравию привлещи, яко да с радостию и веселиемъ славлю тя, достоблаженне.

Слава: Глаголы моя болѣзненныя услыши, святе: вопию ти раб твой, якоже древле слепаго, исцели, молюся, отчаяннаго и ко аду приближшагося.

И ныне: Яко всех Владычице с верою Ти молимся, принеси моление Сыну Твоему и Богу нашему, да от обдержавшей беды избавит раба Твоего, Чистая.

Песнь 5

Ирмос: Ходатай Богу и человеком был еси, Христе Боже: Тобою бо, Владыко, к светоначальнику Отцу Твоему, от ночи неведения приведение имама.

Святы́й великомучениче и целѣбниче Пантелеимо́не, моли́ Бо́га о нас.

Ты ме́ртва дрѣвле воскресил еси́, Пантелеимо́не: такожде помози́ и сему́ рабу́ твоему́, молимся ти, и соверше́нное исцелѣние тому́ вско́ре даруй.

Святы́й великомучениче и целѣбниче Пантелеимо́не, моли́ Бо́га о нас.

Цели́ши мно́гих неду́ги, с ве́рою к тебѣ притека́ющих: такожде и мене́ исцели́, и не посрами́ моего́ упова́ния, не постыди́ мя, мучениче Пантелеимо́не.

Слава: Исто́чник сый мно́гих даро́в Ду́ха, Пантелеимо́не, утоли́ го́ресть болѣзни моея́, и исцели́, блаже́нне, лю́те разсла́бленнаго.

И ныне: Яко́ огонь снеда́ет мя, Пречи́стая Влады́чице, неду́г, от него́же изба́ви мя, и спаси́ мольба́ми Твои́ми, я́ко Жизнь всех неизрече́нно ро́ждшая.

Песнь 6

Ирмос: В бе́здне грехо́вней валя́ясь, неизсле́дную милосе́рдия Твоего́ призыва́ю бе́здну: от тли, Бо́же, мя возведи́.

Святы́й великомучениче и целѣбниче Пантелеимо́не, моли́ Бо́га о нас.

Блаже́нных наде́жд получи́в дарова́ние, и мою́ наде́жду испо́лни, внеза́пу спаси́ мя от обдержа́щая мя сме́ртныя болѣзни, Пантелеимо́не.

Святы́й великомучениче и целѣбниче Пантелеимо́не, моли́ Бо́га о нас.

Мо́ре обурева́ет мя неду́гов, приста́нище ты ти́хое яви́ ми, свя́те, твою́ спаси́тельную по́мощь низпосла́в, вопиѣ́т ти раб твой.

Слава: Уны́ния, блаже́нне, разжже́ния и пренемога́ния тяготу́ облегчи́ к твоему́ заступле́нию притека́ющаго, Пантелеимо́не.

И ныне: Те́плую Твою́, Пречи́стая, по́мощь одожди́ рабу́ Твоему́, лю́те горя́щему грехи́, и теле́сными неду́ги одержи́мому, Препе́тая.

Песнь 7

Ирмос: Богопротівное велѣние беззакѣнующаго мучителя высѣкъ пламень вознесло есть; Христос же прострѣ благочестивым отроком росу духовную, Сый благословен и препрославлен.

Святый великомучениче и целѣбниче Пантелеимоне, моли Бога о нас.

Пребыл еси неподвижим во время мучения, Пантелеимоне: темже люте одержимаго лютыми болезнями и бедствующа исцели раба твоего, да верою славит заступление твое.

Святый великомучениче и целѣбниче Пантелеимоне, моли Бога о нас.

Милостию видева ты богатыяся Бог Многомилостивый, мудре Пантелеимоне, благодать ти дарова подавати исцеления. Темже ти молюся прилежно: ума моего недуги исцели.

Слава: Узы врага злодея духовным оружием, мудре, расторгл еси. Темже молимся ти: недугом связана и бедствующаго исцели болящаго, да присно почитаем заступление твое.

И ныне: Исцели сокрушение человеческое, Пречистая, рождающая Бога неизреченно: Того убо моли яко Преблагаго, исцеление ми подати, Дево, рабу Твоему, люте страждущему.

Песнь 8

Ирмос: Пещь иногда огненная в Вавилоне действия разделяше Божиим велением, халдеи опаляющая, верная же орошающая, поющая: благословите, вся дела Господня, Господа.

Святый великомучениче и целѣбниче Пантелеимоне, моли Бога о нас.

Дан был еси верным ограждение, стена и врачество, святе, изрядное, темже моя язвы душевные, мудре, исцели и облегчи болезни телесныя, Пантелеимоне, люте обдержавшая мя.

Слава: К твоему милостивому покрову притекающим отъемлещи всяку болезнь: и ныне посети прибегающая с верою к тебе, святе, раба твоего, и избави многообразных недугов.

И ныне: Направи, Чистая, к пристанищу здравия недугом бедствующа, и во глубину погружаема, и не даждь погибнути ми, Божественной помощи Твоей любовью ищуща, Еюже вернии спасаются.

Песнь 9

Ирмос: Безначальна родителя Сын, Бог и Господь, воплощая от Девы, нам явися, омраченная просветити, собрати расточенная. Тем Всепетую Богородицу величаем.

Святый великомучениче и целбниче Пантелеимоне, моли Бога о нас.

Яко свет, яко солнце возсиял еси, блаженне, лучами исцелений всех просвещая, темже с верою молимся ти: от недуг и тяжкия тьмы вскоре избави люте обуреваемого.

Святый великомучениче и целбниче Пантелеимоне, моли Бога о нас.

Тебе ныне молим, святый Пантелеимоне, тебе припадаем и тепле молимся: смертною болезнию одержимаго от навета лютых недуг, посетив, исцели, да любовь убожает тя.

Слава: День возсияй здравия рабу твоему, слежащему в нощи лютаго недуга, да благодарственным сердцем придет в честный ти храм, твою исповедуя благодать, Пантелеимоне.

И ныне: Благая Владычице! Манием Твоим милосердным приосени огорченного мя грехи многими, и обдержавшей мя болезни и немощей избави, да благодарственно убожаю Тя, Владычице, Юже по достоянию блажат вси роди.

Молитва первая

О преславный мучениче и доблий воине Небеснаго Царя, Пантелеимоне всеблаженне, милостиваго Бога преизрядный подражателю, иже Христа на земли дерзновенно исповедав, и многообразныя за Него муки претерпев, неувядаемый приял еси венец на небеси, идеже вечнаго наслаждаешься блаженства, и со дерзновением Престолу Трисолнечнаго Божества предстоиши! К твоему хриstopодражательному состраданию по Бозе прибегаем вси мы, грешнии, и всеусердно молим тя, теплаго заступника и предстателя нашего: не претай призирати на нас, сущих в нуждах и скорбных обстояниях, и твою молитвенною помощию и цельбоподательною силою избавляй нас присно от лютых зол, всегубительства и всякия инья беды и болезни. Ты бо приял еси, святе, неоскудную благодать исцелений от Спаса нашего Иисуса Христа за твердую твою к Немю веру, при чистом и непорочном житии

запечатлённую мученичеством и многопобедною твоёю кончиною, в нейже по данной ти благодати и наименован от Христа Пантелеимоном, милости тезоименитым, милующим всех, притекающих к тебе в скорбех и болезнях. Сего ради, ведуще тя милостиваго ко всем помощника и целителя, с верою взываем к тебе: услыши нас и богоприятным ходатайством твоим подавай нам вся благопотребная в житии сем и нужная к вечному спасению. Мученическим же дерзновением твоим умоли милостиваго Бога, да помилует нас, грешных и недостойных, по велицей милости Своей, да избавит от труса, потопы, огня, меча и всякаго праведнаго гнева и прещения, благовремение подвизая нас к очистительному и умиловительному во гресех наших покаянию, ради множества щедрот Своих, да подаст всем нам безбедное, тихое и богоугодное житие и всех нас от враг видимых и невидимых да сохранит благодатию Своею и непобедимым ополчением Ангел Своих, имиже ограждаеми и наставляеми да проживем в вѣце сем в покаянии, чистоте и в творении богоугодных дел: да сподобимся же твоим теплым предстательством христианскую кончину улучшить безболезненну, мирну, непостыдну, и избавится от козней воздушных князей тьмы и вечныя муки, и тако быти наследниками безконечнаго, всеблаженнаго Царствия. Ей, угодниче Божий! Не престаи молитися за ны грешныя, да твоим ходатайством временных и вечных бед избавлени, величаем тебе, заступника нашего и молитвенника, и вечно прославляем общаго Владыку, и Господа нашего Иисуса Христа, Емуже подобает всякая слава, честь и поклонение со Безначальным Его Отцем и Пресвятым Духом, ныне и присно и во веки веков. Аминь.

Молитва вторая

О великий Христов угодниче и преславный целбниче, великомучениче Пантелеимоне! Душею на небеси Престолу Божию предстои и Триипостасныя Его славы наслаждайся, мощами же и ликом святым на земли в Божественных храмах почиваяи и данною ти свыше благодатию различная источаяи чудеса, – призри милостивым твоим оком на предстоящия

люди, и честней твоей иконе умильно молящийся и просящий от тебе целбных помощи и заступления. Прости ко Господу Богу нашему теплыя своя молитвы и испроси душам нашим оставление согрешений. Се бо мы, за беззакония наша не смеюще возвести очес наших к высоте небесней, ниже вознести глас молебный к Его в Божестве неприступней славе, сердцем сокрушенным и духом смиренным тебе, ходатая милостива ко Владыце и молитвенника за ны, грешныя, призываем, яко ты приял еси благодать от Него недуги и целяти и страсти отгоняти. Тебе убо просим: не презри нас, недостойных, молящихся тебе и твоей помощи требующих. Буди нам в печалех утешитель, в недужех лютых страждущим врач, в напастьех скорый покровитель, очесам недугующим прозрения датель, ссущим и младенцем в скорбех готовейший предстатель и исцелитель. Исходатайствуй всем вся, яже ко спасению полезная, яко да твоими ко Господу Богу молитвами получивше благодать и милость, прославим всех благ Источника и Дароподателя, Бога Единого, в Троице Святей славимаго, Отца и Сына и Святаго Духа, ныне и присно и во веки веков. Аминь.